

Introducciun

Autor(en): **[s.n.]**

Objekttyp: **Preface**

Zeitschrift: **Igl Ischi : organ della Romania (Societat de Students Romontschs)**

Band (Jahr): **1 (1897)**

PDF erstellt am: **25.06.2024**

Nutzungsbedingungen


Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Introducziun.

La societad „Romania“ formada ord students e comembers honoraris ha per siu intent la cultivaziun dil Romontsch, siu spert, sia historia e sia litteratura. Per adimplir tal siu scopo publichescha la societad annualmein ina revista romontscha sut il tetel „Igl Ischi“, che cuntegn publicaziuns de vegls texts romontchs, material folkloristik sco era lavurs originalas.

Perschuadi, che la megliera stimulaziun tier il studium dil lungatg matern segi ina approfondida et exacta enconischientscha dils vegls monuments de quel, edin nus ils texts, che surveschen per sclarir la historia dil lungatg e dil pievel romontsch.

Enconoschent, che mo quellas ediziuns, che corrispunden allas pretensiuns della scienza linguista moderna, hagian ina reala valur per exacts studis philologics et historics, vegin nus a sedar tuta bregia concernent l'elecziun dils manuscripts sco l'ediziun seza, aschia che nus savein sperar, ch' ils texts, che nus vegin a porscher, formeschien in segir material per studis scientifics.

Il prezius scazi dil pievel romontsch schei en sia litteratura populara, perquei publicein nus ils pli interessants products de quella e tras studis specials commentein tals.

Las lavurs originalas vegnien principalmein a tractar nies lungatg e nossa historia, mo nus vegnin era a purtar autras composiziun, che concerneschen la svilu-paziun culturala dil pievel romontsch.

Sche nus mettein ina principala valor sin ils studis historics, vulein nus perquei absolutamein buca inaugurar in tschocca veneraziun dil passau; mo nus essen cun *Mistral*, il gron poet della Provenza, della perschasiun, „che las plontas, che han ragischs a funs, creschien il pli aul“. ¹⁾

Cun quei ch' igl Ischi porscha ina reha e variada lectura ²⁾, havein nus speronza, quel vegni legius bucca mo en miez della „Romania“, mo el anfi igl esch aviert en tutas casas romontschas, nua ch' ins tegn eunc enzi-gei sin il lungatg mumma.

¹⁾ Lis aubre que van founs soun li que mounton aut. *Lis isclo d'or pèr Frederi Mistral*.

²⁾ Essend che las lavurs per „igl Ischi“ ein uon vegnidas neutier memia abuldontamein, havein nus resalvau per la proxima annada las sequentas lavurs :

Il digren della populaziun raetoromontscha, notizias statisticas de Florin Berther.

Il dretg de tratga studi historic-juridic de Dr. A. Steinhäuser : Las minieras de Trun, ina contribuziun tiella historia della cultura Grischuna de President P. A. Vinzens.